

Na osnovu člana 18.b Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), čl. 64, 71, 96. i 97. Zakona o cestama Federacije Bosne i Hercegovine ("Službene novine Federacije BiH", broj 6/02 i 18/02), Skupština Kantona Sarajevo, na sjednici održanoj 4. septembra 2008. godine, donijela je

ODLUKU

O IZMJENAMA I DOPUNA ODLUKE O USLOVIMA I NAČINU PROKOPAVANJA JAVNIH POVRŠINA NA PODRUČJU KANTONA SARAJEVO

Član 1.

U Odluci o uslovima i načinu prokopavanja javnih površina na području Kantona Sarajevo ("Službene novine Kantona Sarajevo", br. 16/04 i 22/05), u članu 2. stav 1. mijenja se i glasi:

"Prokopavanje javnih površina vrši se na osnovu odobrenja nadležne općinske službe ako se radi o polaganju novih instalacija unutar cestovnog pojasa, zaštitnog cestovnog pojasa i unutar drugih javnih površina, sanaciji ili rekonstrukciji postojećih instalacija unutar cestovnog pojasa, zaštitnog cestovnog pojasa i unutar drugih javnih površina.";

U članu 2. stav 2., briše se.

Dosadašnji st. 3, 4 i 5. postaje st. 2, 3 i 4.

U istom članu dodaje se stav 5. koji glasi:

"Izuzetno, nadležna općinska služba može izdati odobrenje za vršenje hitnih popravaka na period od 1 (jedne) godine, ukoliko se radi o popravci kvara na podzemnim instalacijama koje se definišu kao opći interes (osvjetljenje javnih površina i sl.), a za koje saglasnost daje Ministarstvo prostornog uređenja i zaštite okoliša."

Član 2.

U članu 5. stav 1. alineji 11. iza riječi: "u skladu sa" ostatak teksta mijenja se i glasi:

"...federalnim propisom kojim se reguliše visina i način plaćanja naknade za korištenje zemljišta u cestovnom pojasu i drugog zemljišta koje pripada javnim cestama."

Član 3.

U članu 14. dodaje se stav 2. koji glasi:

"Direkcija za puteve zaključene ugovore sa pravnim licima koje održavaju ceste dostavljat će općinama na području Kantona Sarajevo."

Član 4.

U članu 16 iza riječi "nadležnu komunalnu inspekciju" dodaju se riječi:

"ukoliko se radi o javnoj zelenoj površini"

Član 5.

U članu 17. dodaje se stav 2. koji glasi:

Ministar saobraćaja će svojim posebnim aktom propisati tehničke uslove za prokopavanje i zatvaranje javnih površina u roku od 60 dana od dana stupanja na snagu ove Odluke.

Član 6.

U članu 20. iza riječi "komunalni inspektor" dodaju se riječi:

"ukoliko se radi o prokopu na javnim površinama (zelene površine, neuređene zemljane površine, pješačke staze u parkovima i sl.)."

U istom članu iza riječi "cestovni inspektor" dodaju se riječi:

"ukoliko se radi o prokopu na cesti i cestovnom pojasu"

Član 7.

U svim odredbama Odluke riječi: "Ministarstvo prometa i komunikacija" mijenjaju se riječima: "Ministarstvo saobraćaja" u odgovarajućem padežu.

Član 8.

Član 22. mijenja se i glasi:

"Novčanom kaznom u iznosu od 5.000,00 KM do 7.000,00 KM kazniće se za prekršaj pravno lice - vlasnik instalacija ako na zahtjev ovlaštenog lica za vršenje nadzora na mjestu prokopavanja ne predoči odobrenje za prokopavanje i urbanističko- tehničku dokumentaciju za prokopavanje (čl. 5. i 6.)."

Novčanom kaznom kazniće se odgovorno lice u pravnom licu u iznosu od 500,00 KM do 2.000,00 KM za prekršaj iz stava 1. ovog člana (čl. 5. i 6.).

Za prekršaj iz stava 1. ovog člana novčanom kaznom kazniće se fizičko lice - vlasnik instalacija u iznosu od 300,00 KM do 1.000,00 KM. (čl. 5. i 6.).

Član 9.

Član 23. mijenja se i glasi:

"Novčanom kaznom u iznosu od 3.000,00 KM do 6.000,00 KM kazniće se za prekršaj pravno lice - izvođač radova ako se pri prokopavanju javnih površina ne pridržava "tehničkih uslova za prokopavanje i zatvaranje javnih površina" (član 17.)"

Novčanom kaznom kazniće se odgovorno lice u pravnom licu u iznosu od 500,00 KM do 2.000,00 KM za prekršaj iz stava 1. ovog člana (član 17.)

Za prekršaj iz stava 1. ovog člana novčanom kaznom kazniće se fizičko lice - izvođač radova u iznosu od 300,00 KM do 1.000,00 KM. (član 17.)

Član 10.

Član 24. mijenja se i glasi:

"Novčanom kaznom u iznosu od 5.000,00 KM do 7.000,00 KM kazniće se za prekršaj pravno lice - vlasnik instalacija ako javne površine nakon prokopavanja ne dovede u prvobitno stanje u određenom roku i ako ne održava prokope u zimskom periodu (član 19.)"

Novčanom kaznom kazniće se odgovorno lice u pravnom licu u iznosu od 1.000,00 KM do 2.000,00 KM za prekršaj iz stava 1. ovog člana (član 19.).

Za prekršaj iz stava 1. ovog člana novčanom kaznom kazniće se fizičko lice - vlasnik instalacija u iznosu od 500,00 KM do 1.000,00 KM. (član 19.)

Član 11.

Član 25. mijenja se i glasi:

"Novčanom kaznom u iznosu od 3.000,00 KM do 7.000,00 KM kazniće se za prekršaj pravno lice - vlasnik instalacija ako ne pribavi uslovljenu saglasnost za izmjenu režima saobraćaja (član 11. stav 5.).

Novčanom kaznom kazniće se odgovorno lice u pravnom licu u iznosu od 500,00 KM do 2.000,00 KM za prekršaj iz stava 1. ovog člana (član 11. stav 5.).

Za prekršaj iz stava 1. ovog člana novčanom kaznom kazniće se fizičko lice - vlasnik instalacija u iznosu od 500,00 KM do 1.000,00 KM. (član 11. stav 5.)

Član 12.

Član 26. mijenja se i glasi:

"Novčanom kaznom u iznosu od 3.000,00 KM do 5.000,00 KM kazniće se za prekršaj pravno lice ako ne izvrši snimanje podzemnih instalacija i ne dostavi snimljenu instalaciju nadležnoj službi Zavoda za izgradnju Kantona Sarajevo (član 18. stav 3.).

Novčanom kaznom kazniće se odgovorno lice u pravnom licu u iznosu od 500,00 KM do 2.000,00 KM za prekršaj iz stava 1. ovog člana (član 18. stav 3.).

Za prekršaj iz stava 1. ovog člana novčanom kaznom kazniće se fizičko lice - vlasnik instalacija u iznosu od 500,00 KM do 1.000,00 KM. (član 18. stav 3.)

Član 13.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-05-26187/08
4. septembra 2008. godine
Sarajevo

Predsjedavajući
Skupštine Kantona Sarajevo
dr. **Denis Zvizdić**, s. r.

Vlada Kantona